

**Parlimen: Cadangan Penubuhan Akademi Undang-undang Diteruskan
Bernama
14 Jun, 2012**

KUALA LUMPUR, 14 Jun (Bernama) -- Kerajaan akan meneruskan cadangan menubuhkan Akademi Undang-undang tanpa perlu mendapat persetujuan daripada Majlis Peguam, persidangan Dewan Rakyat diberitahu pada Khamis.

Menteri di Jabatan Perdana Menteri Datuk Seri Mohamed Nazri Abdul Aziz berkata akademi itu tidak mengambil anggota dari kalangan anggota Majlis Peguam sebaliknya ia badan yang mewakili profesion perundangan secara menyeluruh termasuk ahli akademik dan bekas hakim.

"Kita dan bentang perkara ini untuk bacaan pertama 10 tahun dulu. Apa hak Majlis Peguam nak halang ahli-ahli akademia dan mereka yang bekerja di bank-bank, yang bekerja di Jabatan Peguam Negara, dan bekas-bekas hakim daripada berpersatuan? Akademi ini tidak ambil ahli dari Majlis Peguam.

"Apa perlu ada konsultasi dengan Majlis Peguam berkaitan hak asasi orang lain? Tak berbangkit soal ini. Kalau Majlis Peguam halang, mereka penceroboh kepada hak asasi orang," katanya pada sesi soal jawab di Parlimen.

Beliau menjawab soalan tambahan Fong Po Kuan (DAP-Batu Gajah) yang mahu tahu sama ada kata putus mengenai penubuhan Akademi Undang-undang telah dibuat dan adakah kerajaan telah mengadakan konsultasi dengan Majlis Peguam berhubung perkara itu.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=672935>